

ضربة البدء | #كلمات_التراويح | د. حازم شومان

حازم شومان

الحمد لله وكفى وصلاة وسلاما على عباده الذين اصطفى. اللهم لك الحمد كله ولك الملك كله وببيدك الخير كله. واليك يرجع الامر كله اللهم صل على عبدك ونبيك محمد صلى الله عليه وسلم. اما بعد يعني اخواني في الله يقولوا في مسابقات الجري العالمية اللي بتبقى ميت متر او تلتمية متر - [00:00:00](#)

كل اللي مشتركين فيها محترفين فصعب ان حد يتصور ان حد يسبق حد. فبيبحسوا بسبب ان فيه متسابق يسبق متسابق او عداء يسبق عداه فلقوا ان السبب الاساسي يقول لك الاستارت يعني ايه الطلعة الاولى الخطوة الاولى الطلعة الاولى ما بين كل عداء والتاني هي اللي بتفرق في - [00:00:23](#)

فوز بالسباق. اهو ده عامل زي رمضان. ضربة البدء انك انت تنوي بازن الله ان اول ليلة تبقى ليلة العتق من النار. انك انت تدخل بداية رمضان باقوى ما تستطيع. بحيس ان انت بازن الله يبقى فيه ضربة بدء من الاول. او الليلة دي انا من الاول بنشن على عتق - [00:00:43](#)

النار بازن الله سبحانه وتعالى بحيس ان انا بعد كده انافس على ابواب الجنة التمانية. عتق من النار يا اخواني. يعني واحد كان زنوبه او عليه النار وهيبقى من اهل الجنة. عتق من النار يعني واحد سيئاته كانت ممشياه في طريق اخره النار وربنا يدخله الجنة. يعني كلمة - [00:01:03](#)

ما هياش بسيطة. تخيل عشان نعرف يعني ايه رمضان في الكمبيوتر اول ما حد مننا يشتري كمبيوتر يقول لك نزل ويندوز الاول. ليه ؟ عشان تقدر تعمل تنزل تعريفات الكمبيوتر يتعرف على الماوس والكيبور. يعرف يتعامل معهم. احنا عايزين نزل ويندوز نتعرف به على رمضان. تخيل لو انت - [00:01:23](#)

جنبك معرض عربيات فخم جدا وانت كل ما تنزل من بيتك تبص على عربية معينة شدة عينك وشاغلة تفكيرك ونفسك انك انت تجيبها وبعد كده تقول يا عم العربية دي زمنها بمية الف ولا متين الف. ما عيش فلوسها مرة قلت يا سيدي ادخل اسأل ايه اللي هيحصل ؟ دخلت بتسأل صاحب المعرض العربية دي بكام ؟ هل - [00:01:43](#)

العربية دي العربية دي باتنين مليون جنيه. ما عرفتش تبلع ريقك وجبت مارشيدير وسبت المعرض ومشيت. وقررت انك ما عدتش هتبص ناحية المعرض مرت الايام وخارج من بيتك مرة لقيت يفت بعرض الشارع تخفيضات هائلة او كازيونات لا مسيل لها. فرص لا تعوض - [00:02:03](#)

فانت يعني يا ترى العربية في التخفيضات الهائلة هتبقى بكام ؟ يعني مليون ونص مليون يا عم خلي نصك عاقل ونصك عاقل وادخل اسأل. دخلت تسأل لو سماحة العربية دي في الاوكازيون بتاعكم ده بكام ؟ قال لك العربية دي العربية دي في الاوكازيون ده بالفين جنيه - [00:02:23](#)

قلت له الفين جنيه ايه ده انت ايه اللي باتنين مليون ؟ قال لك العربية دي بالفين جنيه واي حد هيجيب الفين جنيه دلوقتي هيشترىها. اخواني في الله اهو ده رمضان - [00:02:43](#)

هو ده رمضان. الحاجة اللي كانت باتنين مليون بقت بالفين. سلعة الله الغالية. الفردوس ابواب الجنة التمانية نعيم الجنة مفتوح على مصراعيه من اول الليلة. اذا كانت اول ليلة من رمضان فتحت ابواب الجنة فلم يغلق منها باب - [00:02:53](#) يعني انت متخيل ان بابتسط العبادات ان بالاجتهاد في الشهر ده ممكن تفوز بابواب الجنة التمانية. يا ترى العربية اللي نفسنا فيها بس

بقي نعيم الآخرة بقى سلعة الله الغالية دي هنشمر لها قد ايه؟ قال تعالى المتر الى الذين بدلوا نعمة الله - 00:03:13

كفرا لم ترى الى الذين بدلوا نعمة الله. احنا الوقتي في نعمة من نعم ربنا. اوعى تبدلها. اوعى تبديليها. اوعى تضيعي النعمة اللي انت فيها. من يومين لسه كنا بنصلي على اخ من اخوانا فجأة الله يرحمه وهو صايم سقط ميت الله يرحمه وكنا بنصلي عليه لم يدرك

رمضان - 00:03:33

ربنا يكتب لي اجر رمضان بسواب استعدادده له. ولكن يا اخواني في الله النعمة اللي انت فيها الوقتي والنعمة اللي انت فيها دلوقتى ناس كتير ما ادركتهاش. وناس كتير ما حصلتهاش. وانا جاي في الشارع الوف مؤلفة من الشباب والبنات والرجال والنساء برة. مين

اللي جاب قلبك هنا؟ وهو ما جاش - 00:03:53

اوعى تفتكر ان الاذان لما بيدن واحد يبجي الجامع واحد ما يجيش اللي ما جاش ما جاش بمزاجه لأ ده لسه الازن ما جاش بهداية قلبه. المتر ان الذين بدلوا نعمة الله. اوعى بعد ما ربنا سبحانه وتعالى يأمر الملائكة فتفتح ابواب الجنة الثمانية ثم يامر الملائكة فتغلق

- 00:04:13

ابواب النار السبعة ثم يأمر الملائكة فتصفد الشياطين ثم يسأل الله سبحانه وتعالى الملائكة اين عبي فلان؟ يقولوا له عبدك فلان يا رب قاعد على القهوة. عبدك فلان يا رب قاعد قدام المسلسلات. عبدك فلان يا رب قاعد في الخيبة الرمضانية. عبدك فلان يا رب قاعد

بيلعب كورة ليل نهار - 00:04:33

اوعى اخواني في الله يقولوا ان بيل جيتس اغنى من اللي فاضل سنين طويلة اغنى ملياردير في العالم لو وقع منه ورقة بميت دولار قطعة عشان يجيبها هيخسر اكر من ميت دولار. قالوا ليه؟ قال لك لانه بيكسب في السانية اللي هيوطي فيها دي اضعاف الميت

دولار. اهو احنا في - 00:04:53

رمضان الناس دي مش مسلمين ولكن عرفت قيمة وقتها. وعرفت قيمة عمرها. وعرفت قيمة السانية في وقتها. انت لو عرفت قيمة رمضان لو الدنيا كلها وقعت منك في رمضان مش هتوطي عشان تجيبها. لان اللي انت هتخسر في السانية دي اغلى من الدنيا واللي

فيها. احنا في موسم - 00:05:13

عظيم عايزين نقدر قيمة السانية والساعة من عمرنا يا جماعة. رمضان مش ثلاثين يوم. رمضان سبعمية وعشرين ساعة. كل ساعة النبي عليه الصلاة والسلام بيتكلم عن اي ساعة في اي يوم في السنة بيقول ما من ساعة تمر بابن ادم لا يذكر الله تعالى فيها الا -

00:05:33

عليها يوم القيامة. اي ساعة في العمر بتعدي من غير ما الانسان يعمل فيها عمل صالح هيعض على ايده يوم القيامة. لما يشوف

استثمرها خد ايه؟ فما بالك بساعات رمضان؟ ما بالك باعظم موسم لبدء صفحة جديدة مع الملك سبحانه وتعالى - 00:05:53

اللي بيضيع مننا منه ورقة بميت جنيه بيفضل اسبوع زعلان ويقول لو لقيتها هعمل وهعمل في حين ان ممكن يضيع مننا ساعات وايام واعمار يا جماعة وما نزعش. لو واحد وقف عربية قدام المسجد دلوقتى ونزل منها وطلع رزمة ورق كل ورقة بميتين جنيه.

وولع فيها - 00:06:13

لقى وحرقتها هنقول عليه مجنون بيحرق فلوسه. اللي بيضيع عمره اشد جنونا منه. لان الفلوس ممكن تتعوض. الفلوس ممكن تاني يوم اضعافها ولكن الليلة اللي راحت هنجيبها تاني ازاى؟ اليوم اللي راح هنجيبه تاني ازاى؟ رمضان ده لو راح تضمن مين ان هيجي

عليك رمضان تاني - 00:06:33

اخواني قضية آآ استسما الوقت في رمضان وقضية النية الصالحة في رمضان. ربنا سبحانه وتعالى قررنا ان احنا نشمر في

رمضان. ربنا فتح لنا باب برحمته. وبلغنا رمضان بفضله وكرمه ومنه. رمضان لازم يبقى نقلة. حياة الانسان - 00:06:53

زي العربية بالزبط في الاول في علاقته بربنا يجيب الاول. شوية يجيب الثاني يطلع على الطريق يجيب الثالث. يفتح على السريع يجيب الرابع. لازم حياة تبقى نقلات. لازم كل رمضان يبقى نقلة في حياتك. لازم تخرجي من رمضان دهو بنقلة في علاقتك بربنا.

بنقلة في دينك - 00:07:13

اخواني في الله احنا حريصين على اي علاقة. اللي عنده علاقة بحد في الشرطة يقول لك ده تأمين. اللي عنده علاقة برجال اعمال كبار يقول لك ده تأمين اللي عنده علاقة بمسؤولين كبار طب اللي عنده علاقة بالله ربنا فاتح لنا الفرصة اللي مش هيحل مشاكله في رمضان هيحل مشاكله ايه - [00:07:33](#)

انت انت عندك طول النهار اوقات استجابة دعاء لانيك صايم. وكل فطر وقت استجابة دعاء لانيك عند الفطر. وكل ليلة كل كل ليلة الملك بيتنزل ثلثي الليل. كل ليلة برة رمضان في الحداشر شهر التانيين. الملك بيتنزل في الثلث الاخير. فيقول هل من سائل - [00:07:53](#)

فاعطي في رمضان الله يتنزل في ثلثي الليل الاخرين. يعني عاملة بالظبط كده يا اخواني زي واحد ملياردير واحد مننا كده قال له خد دفتر الشيكات اللي ممضي كل شيكاته على بياض ده هدية. اي حد مننا بص ايه الورق ده! ده ورق قام مديه للاطفال في البيت يلعبوا به - [00:08:13](#)

تاني يوم رغم ان كل شيك منها ممكن يحل مشكلة من مشاكل حياته. رغم ان كل شيك منها الشيك دا يجوزك. والشيك دا يخليك تتعالج. والشيك دا عربية والشيك ده يجيب لك شقة والشيك ده تخيل ادى له تاني يوم دفتر شيكات كل شيك ممضي على بياض مسك الدفتر كده ايه الورق ده كتب - [00:08:33](#)

على ظهره طلبات البيت واما جابت طلبات رماه في صندوق القمامة. ده لما يعرف قيمة دفتر الشيكات ده يزعل قد ايه ؟ اهو كل وقت اجابة الدعاء في رمضان وبرة رمضان. شيك ممضي على بياض. كل وقت اجابة دعاء ولله المثل الاعلى - [00:08:53](#) ومنة الله. كل وقت اجابة دعاء. كل ساعة فطر شيك ممضي على بياض. اطلب اللي انت عايزه. كل وقت ما بين كل اذان واقامة في الخمس فروض دعاء مستجاب. شيك ممضي على بياض. كل تلت اخير من الليل شيك ممضي على بياض. يعني انت الوقتي دفتر - [00:09:13](#)

الكبير قوي اللي انت بتتسلمه كل يوم في رمضان ده يا ترى بتعمل به ايه بترمييه وما بتستفادش منه؟ طب ما كل شيك منهم ممكن يحل مشاكل حياتك ركز اسم الوقتي في ثلاث اربع دعوات تدعي بهم عند كل فطر وكل وقت وانت صايم. وكل وقت في التهجد وابشر ابشروا يا اخواني. ابشروا - [00:09:33](#)

في كل مشاكل حياتكم ممكن تخرجوا من رمضان وهي محلولة. ما فيش مرض ربنا ما يقدرش يشفيه. ما فيش فقر ربنا ما يقدرش يغنيه. ما فيش كده ربنا ما يقدرش يحلها. ربنا ما فيش فرق في قدرته بين شفاء السرطان وشفاء دور البرد. الله قادر سبحانه وتعالى وان ربنا اذى - [00:09:53](#)

المغني له علينا هيبقى الكلام في رمضان ده ان شاء الله عن اسماء الله الحسنى. اللي مش هيحل مشاكله في رمضان هيحلها امتي؟ اللي مش هيعتق رقبته في رمضان من النار هيعتقها امتي؟ عندك ستين فرصة عتق من النار. ثلاثين نهار وتلاتين ليل. كل نهار فيه عتقاء وكل ليل فيه عتقاء - [00:10:13](#)

يعني الليلة دي فيه ناس مننا هتعتق من النار. الليلة دا هي في نساء من النساء اللي معنا يعتقوا من النار. الليلة دي ما تبقاش منهم ليه ما تبقاش من اهل الصدق؟ ليه ما تبقاش من الاوائل؟ ليه ما تبقاش من الصادقين الى الله؟ هم درجات عند الله. ممكن اتنين - [00:10:33](#)

صلوا معنا الوقت نفس الصلاة وراء نفس الامام. والفرق ما بين صلاة ده وصلاة ده كالفارق بين السماء والارض. عشان كده اللي مش هيثقل موازينه في رمضان هيثقل موازينه امتي؟ اذا كان العمرة في رمضان بتضاعف وتضاعف وتضاعف. لحد ما بتبقى - [00:10:53](#)

والله كاجر حجة مع رسول الله صلى الله عليه وسلم. يعني مئات والاف الاضعاف. يعني المضاعفة في رمضان بمئات الاضعاف في تلاوة القرآن في الصلاة في الذكر. اللي مش هيثقل موازينه في رمضان هيثقلها امتي. اللي مش هيفتح صفحة جديدة مع الله في رمضان - [00:11:13](#)

هيفتحها امتي ؟ اللي مش هيخلص من معاصي السر اللي بيوقع فيها. ولا يعلم عنها اي احد الا الله شيء. الا الله شيء عنها هيخلص

منها امتي ؟ اخواني في الله رمضان جاي. والبلد بتمر بظروف صعبة. والناس كلها تعبانة. والناس كلها مضغوطة - [00:11:33](#)

والناس الا من رحم الله مخنوقة. واحد جاي من البيت ماشي لحد هنا كمية المنكرات اللي الواحد شافها في الشارع لو واحد بيحب ربنا فعلا مش هيقدر يفضل حي من بيته لحد هنا. من القهر اللي هيجي له. من كمية المعاصي اللي بيعصى بها - [00:11:53](#)

ربنا سبحانه وتعالى كنت في خطبة في القاهرة من اسبوعين داخل المسجد عشان ادي الخطبة والنداء بيرفع في المساجد والناس بتستعد الناس بتجري على المساجد لقيت واحنا بنحود سينما جنب المسجد. الوقت اللي الناس بتستعد فيه لصلاة الجمعة. الشباب والبنات واقفين قدام باب - [00:12:13](#)

في السينما مستنيين لحزة فتحها بدل ما الرجالة تدخل خطبة الجمعة يدخلوا السينما منزر يفتت القلب لو قلبك اتحط حط في مفرمة لو انت عندك هم على هذا الدين وقلبك اتحط في مفرمة هيبقى ارحم من هذا المنظر دخل رمضان والزروف - [00:12:33](#)

صعبة ولكن ابشروا يا جماعة الخير جاي. احوال البلد مش هتفضل كده. الاقتصاد مش هيفضل كده. مشاكل مش هتفضل كده. المعاصي مش كده مش هيمر على البلد فترة اقصر مما يتخيل اي حد. الا وربنا هيملى البلد دي بالخير. في دينها وفي دنيتها. الله - [00:12:53](#)

وربنا كريم وربنا عظيم. وربنا فاتح لنا اوسع ابواب رحمته. اللي مش هيغتنم منها. واللي مش هيخترف منها هيبقى مغبون كفاية بقى يا اخوانا. كفاية يعني تضبيع لساعتنا ولاعمارنا اللي هيضيع رمضان. الواحد كان في عمرة من فترة - [00:13:13](#)

من اسابيع يعني الاوضة في الفندق الصغير اللي بينه وبين الحرم خمسميت متر اللي تحس انها زي علبة السردين ممكن توصل لتلتميت وربعميت وخمسميت والاف ريال في الليلة. قلت سبحان الله! لو واحد عنده فندق في وش الحرم وقفله في عز الموسم هيبقى مخبول - [00:13:33](#)

اومال يكسب امتي ؟ هو الوقت انت لو كسلت عن تلاوة القرآن وعن غسل قلبك بالقرآن في رمضان. يبقى انت عامل اللي هيقفل الفندق بتاعه وهو في وش الحرم في عز في عز الموسم لو واحد راح لدكتور وكشف عليه الدكتور فقام في - [00:13:53](#)

اخر ماسك الروشته وكاتب له اسبرين. العيان يقول له يعني انا نازل من بيتي وجاي لحد عندك وكاشف ودافع كشف. عشان تكتب لي اسبرين يا ابني هو ده علاجك. الروشته - [00:14:13](#)

بتاعة رمضان الروشته بتاعة رمضان اسبرين يا جماعة. يعني ايه؟ يعني برنامج رمضان مش معقد ولا صعب ولا اي حاجة. كل اللي مطلوب منك في رمضان علاقة بالقرآن. كل اللي مطلوب منك في رمضان تلاوة القرآن. اقهر نفسك - [00:14:23](#)

نفسك يا ابني الوقت غالي. الراجل الملياردير اللي عمله ومعها حوار في قناة من القنوات الاجنبية. المزيح يقول له انت ايه سر السروة المهولة اللي انت طلع من جيبه دفتر شيكات واداه له وقال له اكتب الشيك اللي انت عايزه. اي مبلغ انا هاديه لك. المزيح اتهز يعني انا ممكن ابقى مليونير في لحظة - [00:14:43](#)

انت بتتكلم بجد شد الشيك منه قال له اهو عشان كده انت ما اغتنتش وانا بقيت غني. طبعا هي ارزاق من الله ولكن الراجل بيتكلم عن قال له انا لو مكانك عمري ما هاضيع الفرصة. انت جات لك الفرصة انك تبقى غني وانت اللي اترددت. اللي هيتردد هيضيع الفرصة. اللي هيتزبذب - [00:15:03](#)

ضيع الفرصة. ابو طالب وقف النبي من ناحية يقول له قل لا اله الا الله. وابو جهل من ناحية يقول له على ملة عبدالمطلب. اتزبذب مصيره كله ضاع ليه؟ لان الفرصة لما بتتفتح مش عايزة حد يتردد. مش عايزة حد يتذبذب. اللي في رمضان هيضيع اوقاته في رمضان. قدام المسلسلات - [00:15:23](#)

الممسلين والممسلات والمغنيين والمغنيات الاحياء منهم والاموات. اللي من كل شكل ولون على مسلسلات رمضان اللي بيضيع وقته ده عامل بالزبط يا جماعة زي تاجر في عز الموسم المحل بتاعه بيكسب مكاسب هائلة وقاعد يبيع بيع هائل ولكن حاطط على - [00:15:43](#)

الحسابات واحد حرامي بدل ما يحط الفلوس في الخزنة بيحط الفلوس في جيبه. يعني انت متهيأ لك انك بتكسب ولكن فيه واحد

قاعد يسرق المكسب بتاعك. احذر انك تبقى عامل زي اللي شايل شوال. وقاعد يجري يلاقي اكل يحطه فيه. يلاقي - 00:16:03
يحطها فيه في الاخر لما تعب لما اقعد استريح بقى. واطلع ثمرة التعب والجري بتاعي. جاي يطلع لقي الشوال فاضي. ليه؟ الشوال
كان مثقوب بيدخل من ناحية ويطلع من ناحية. اوعى تقعد على الحسابات بتاعتك واحد حرامي يسرقك. اوعى اللي انت بتكسبه -
00:16:23

صلاة التراويح تضيعه قدام التليفزيون. اوعى اللي انت بتكسبه في صلاة التراويح تضيعه قدام مواقع النت السيئة اوعى اللي انت
بتكسبه في صلاة التراويح. تضيعه في عدم غض البصر برة. اوعى اللي انت بتكسبه في صلاة التراويح. تضيعه في معاصي تلاقي
نفسك في - 00:16:43

في الاخر التعب يعني سبحان الله حسنات التعب راحت في سيئات تانية. اخواني في الله عايزين نصدق ربنا وعايزين نستقبل
رمضان باليقين الدنيا اغنى واحد في المنصورة وافقر واحد في المنصورة. عملة الدنيا الفلوس. عملة الاخرة الحسنات. عملة الدنيا يا
جماعة عملت طبقة في الدنيا - 00:17:03

طبقة كبيرة اوي في نزرنا ولكن لو جيت تحللها ايه اغنى واحد النهاردة كل ايه وافقر واحد كل ايه؟ اغنى واحد كل لحمة وافقر
واحد كل فول اغنى واحد كل لحمة وافقر واحد كل فول. هو دي الطبقة بتاعة الدنيا. ده ساكن في شقة وده في شقة بس ديت يعني
كبيرة وواسعة وفي مكان - 00:17:23

انما يا اخوانا الطبقة اللي بتعملها الحسنات يوم القيامة اخطر مما نتخيل الطبقة اللي في حق بقى الفرق ما بين طبقات البشر بسبب
الحسنات يوم القيامة واحد هيقف في الساهرة في ارض المحشر. الشمس على بعد ميل من الرؤوس والعرق بيلجمه الجاما. وواحد -
00:17:43

في ظل عرش الله يشرب من ايد النبي في المقصورة الملكية في ظل عرش الله يشرب من نهر الكوثر في ايد النبي عليه الصلاة
والسلام. وده مسلم وده مسلم وده كان بيقول لا اله الا الله وده كان بيقول لا اله الا الله. بس ده فقير في الحسنات. وده غني في
الحسنات. هم درجات عند الله - 00:18:03

ما ننساش اهم حاجة في رمضان الاستارت. اهم حاجة في رمضان ضربة البدء. اهم حاجة في رمضان انك تعمل زي النهر داهو.
بدايته شلالات هادرة لحد ما المجرى تتشق بعد كده الماية تمشي بهدوء لازم تشق لنفسك مجرى في رمضان ولازم ناخذ نفسك
بالعزيمة. اللهم بارك لنا في رمضان اللهم - 00:18:23

ثم اجعله خير رمضان مر علينا في حياتنا. اللهم اجعلنا فيه من الفائزين. اللهم انصر اخواننا في سوريا. اللهم ايدهم. اللهم احفظهم
اللهم انزل هدايتك على اهل مصر. اللهم اجعل رمضان هذا فتحا على مصر في دينها ودنياها. انك ولي ذلك والقادر عليه. سبحانك
اللهم وبحمدك - 00:18:43

اشهد ان لا اله الا انت استغفرك واتوب اليك - 00:19:03